



Broj: 01-260/21
Vareš, 29.12. 2021. godine

Z A P I S N I K
sa 10. sjednice Općinskog vijeća Vareš,
održane 30.11. 2021. godine

Predsjedavajuća OV pozdravila je sve prisutne.

Izvršena je prozivka vijećnika.

Prisutni vijećnici: Mirnes Ajanović, Sahudina Beganović, Nurdin Begović, Mahira Brkić, Amela Brkić, Asmir Čizmo, Dario Dodik, Zdenko Franjić, Nazif Hajrić, Igor Hinger, Šaban Ibrišimović, Emir Islamović, Salih Memić, Mario Mirčić, Nedžad Mušanović, Malik Rizvanović, Nikola Šimić i Edib Zubača.

Odsutni: Maja Berberović.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 10. sjednicu s početkom u 14,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici načelnika - gosp. Ermin Musa i gosp. Čedomir Jelić, rukovodilac JURA – gosp. Rusmir Berberović, ispred Službe za privredu, finansije i trezor – gosp. Mirza Fatić, Ispred Službe za opću upravu, društvene djelatnosti i BiZ – gosp. Dženana Bešić Junuzović, predstavnici firme „Eastern Mining“ i predstavnici medija.

Sekretar OV Leon Pavlović izvijestio je Vijeće da je na 9. sjednici OV održanoj 28.10.2021. godine, Vijeće donijelo pet (5) zaključaka. Četiri (4) zaključka su realizovana, na jedan (1) zaključak koji se odnosi na izradu Prijedloga Odluke o izmjeni Odluke o davanju u zakup stanova Općine Vareš, Općinski načelnik je dostavio očitovanje na isti. Postavljeno je pet (5) vijećničkih pitanja. Na sva pitanja je odgovoreno. Podnosiocima pitanja i svim ostalim vijećnicima dostavljen je pisani odgovor.

Općinski načelnik Zdravko Marošević pod aktuelnim pitanjima nije imao obraćanje.

(Izjašnjavanje vijećnika o dobivenom odgovoru)

Nije bilo izjašnjavanja vijećnika o dobivenim odgovorima.

(Vijećnička pitanja)

Emir Islamović

1. Pitanje bih uputio Ministarstvu za prostorno uređenje, promet i komunikacije i zaštitu okoline koje se odnosi na putni pravac od Odvojka R-444. Da li je potpisan ugovor i da li iko upravlja/radi na sanaciji ovih puteva? Put je da napomenem u katastrofalnom stanju (dao je pojašnjenje)
2. Pitanje bih uputio prema Domu zdravlja Vareš. MZ Budoželje zahtjeva povratak doktora u lokalnu ambulantu. Prije je dolazio dva puta mjesečno, sada niti jednom. Da li planiraju da u narednom periodu povratak doktora? Da li je uzrok pandemija Covid-19?

Dario Dodik

3. Pitanje se odnosi na pristupni put prema parkingu u ul. Korovinjići . Da li postoji mogućnost da se u narednim danima, prije snijega, izvrši nasipanje puta? Zamolio bih načelnika da odgovori.

Sahudina Beganović

4. Postavljam pitanje za odobrenje lokacije za izradu spomen obilježja za Udruženje logoraša.
Oni su već dva puta podnijeli Zahtjev 06.03. 2015. godine i 28.03. 2018. godine. Potom su obavili usmeni razgovor sa načelnikom, bila je delegacija i obećano im je da će općina finansirati. Dogovorili su se da to bude oko 10 m² ispred stambenog objekta E-1 u Varešu. Da se izgradi spomen obilježje za 7 logoraša koji su stradali 1993. godine.

Mahira Brkić

5. Zašto još uvijek nije riješena rasvjeta u Vareš Majdanu u ulici Ljevarska i kada će ista biti riješena?
6. Zašto pojedina djeca imaju skraćeno vrijeme boravka JPU Dječje obdanište Vareš i ako je utjecaj COVID-a 19, da li se primjenjuju na sve polaznike? Molim odgovor i obrazloženje ako su navodi tačni.

Predsjedavajuća OV stavila je na raspravu Zapisnik sa 9. sjednice OV.

Nije bilo primjedbi i predsjedavajuća OV stavila je na izjašnjavanje Zapisnik sa 9. sjednice OV i nakon izjašnjavanja vijećnika konstatuje da je **jednoglasno sa (17 glasova „ZA“)** (odsutan vijećnik Nikola Šimić) **usvojen Zapisnik sa 9. sjednice OV.**

Predsjedavajuća OV stavila je na raspravu prijedlog dnevnog reda za **10. sjednicu OV** koji je usaglašen na Kolegiju Općinskog vijeća.

Nije bilo učesnika u raspravi i predsjedavajuća OV stavila je na izjašnjavanje prijedlog dnevnog reda 10. sjednice OV i nakon izjašnjavanja vijećnika konstatuje da **je jednoglasno (sa 17 glasova „ZA“)** (odsutan vijećnik Nikola Šimić) **usvojen sljedeći**

Dnevni red

1. Prezentacija Procjene uticaja na okoliš i društvo. (Netehnički sažetak-od strane Eastern Mining)
Izvestilac: Predstavnici Eastern Mining
2. Izvještaj/Izviješće o izvršenju budžeta/proračuna Općine Vareš za period januar/siječanj-septembar/ rujan za 2021. godinu.
Izvestilac: Općinski načelnik.
3. Izmjene i dopune budžeta/proračuna Općine Vareš za 2021. godinu.
Izvestilac: Općinski načelnik
4. Nacrt budžeta/proračuna Općine Vareš za 2022. godinu.
Izvestilac Općinski načelnik
5. Nacrt Odluke o izvršenju budžeta/proračuna Općine Vareš za 2022. godinu.
Izvestilac:Općinski načelnik
6. Prijedlog Odluke o proglašavanju statusa javnog dobra u općoj upotrebi.(k.o. Dabravine)
Izvestilac:Ermin Musa.
7. Prijedlog Odluke o načinu i uslovima raspolaganja nekretninama u vlasništvu Općine Vareš (stambena jedinica G-blok, ulica Zvijezda).
Izvestilac: Ermin Musa
8. Prijedlog Odluke o načinu i uslovima raspolaganja nekretninama – javne prodaje građevinskog zemljišta (nekretnina broj: 1, 2 i 3 k.o. Dabravine).
Izvestilac: Ermin Musa
9. Nacrt Odluke o utvrđivanju površina za parkiranje motornih vozila.
Izvestilac: Ermin Musa
10. Nacrt Strategije razvoja lokalnih cesta i ulica u gradu i naseljima.
Izvestilac: Ermin Musa
11. Informacija o stanju u oblasti prijevoza u lokalnom i međugradskom saobraćaju na području općine Vareš.
Izvestilac: Općinski načelnik.
12. Informacija o stipendiranju i stipendistima općine Vareš u 2020/2021. godini.
Izvestilac: Čedomir Jelić
13. Informacija o postignutom uspjehu u školskoj 2020/2021. godini u OŠ „Vareš“, OŠ „Vareš Majdan“, i MSŠ „Nordbat-2“ Vareš.
Izvestilac: Čedomir Jelić

14. Informacija o provedbi Lokalnog akcionog plana (LAP) za jačanje mehanizma zaštite i osnaživanje djece u Općini Vareš 2019-2021. godine.
Izvestilac: Čedomir Jelić i radna grupa
15. Informacija o provedenim aktivnostima u toku 2020. godine u okviru projekta „Via Dinarica“.
Izvestilac: Rusmir Berberović
16. Prijedlog o prihvatanju Odluke i protokola grada BAŠISKELE R Turska o bratimljenju sa Općinom Vareš i donošenjem Zaključka OV Vareš o izradi prijedloga Odluke o bratimljenju sa istoimenim gradom.
Izvestilac: Općinski načelnik.
17. Tekuća pitanja.

Ad. 1.

*(Prezentacija Procjene uticaja na okoliš i društvo
(Netehnički sažetak-od strane Eastern Mining)*

Ispred kompanije Eastern Mining gosp. Adnan Teletović dao je uvodne napomene za ovu tačku dnevnog reda.

Predstavnici kompanije izvršili su prezentaciju Procjene uticaja na okoliš i društvo.

Otvorena je rasprava u kojoj su iznijeli svoja mišljenja i pitanja vijećnici: Mirnes Ajanović (*postavio pitanja u vezi rezultata taloženja prašine u selu Daštansko, rješavanje problema Zagarskog potoka-skrenuo pažnju da privremeno sklonište za pse ponekad koristi vodu iz Zagarskog potoka, eventualnoj prodaji investicija drugoj kompaniji, sanaciji terena nakon bušenja na mikro lokacijama, istom je dao pojašnjenje*), Emir Islamović (*transport materijala u ljetnom periodu po transportnoj ruti koja je većinom makadamska i rješavanje problema sa prašinom, kako će to uticati na lokalnu zajednicu, o istom je dao pojašnjenje*), Dario Dodik (*uz dato pojašnjenje sugerisao je Vijeću da apeluje na Elektroprivredu da u ponudi koja ide prema kompaniji Eastern Mining iznađe put i način kako da se lokalne trafostanice spoje na podzemnu mrežu*), Mahira Brkić (*predložila je vijećniku Dariu Dodik da za narednu sjednicu OV može pripremiti inicijativu o istom*), Općinski načelnik (*apeluje na menadžment Eastern Mining da u svojim projektima ima sluha za lokalne kompanije*).

Predsjedavajuća OV u svom obraćanju zahvalila se predstavnicima kompanije Eastern Mining na izvršenoj prezentaciji i transparentnosti u odnosu na lokalnu zajednicu.

Ad. 2.

*(Izveštaj/Izviješće o izvršenju budžeta/proračuna Općine Vareš
za period januar/siječanj-septembar/ rujan za 2021. godinu.)*

Komisija za privredu, finansije i budžet na 4. sjednici održanoj 29.11.2021. godine jednoglasno je donijela sljedeći Zaključak:

- **Komisija prihvata Izvještaj/izvješće o izvršenju budžeta/proračuna Općine Vareš za period januar/siječanj – septembar/rujan 2021. godine i isti se upućuje Vijeću na razmatranje.**

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su iznijeli svoja mišljenja, primjedbe i pitanja vijećnici: Sahudina Beganović (*„Podsjetit ćemo ponovo kolege vijećnike i građane općine Vareš da Vijeće nije usvojilo Budžet za 2021. godinu, nego ga je proglasio sam Načelnik. Situacija se nije mnogo promijenila u odnosu na polugodišnji Izvještaj i tražim da se moje izlaganju unese u Zapisnik. U dijelu prihodi evidentno je povećanje prihoda, prije svega iz stavke koje su jednokratne i ne mogu biti promatrane kao generalno poboljšanje redovnih prihoda Općine. Primjeri za to su sljedeći: primljeni transferi inostranih vlada plus 52.225 KM, kapitalni primitci od toga iz stalnih sredstava npr. prodaja imovine planirano je sa 159.000 a prodane su nekretnine u vrijednosti od 531.794 KM. Razlika u budžetu je plus 372.794 KM. Naknade i pristojbe od pružanja usluga, razlika u budžetu je plus 99.270 KM. Po pitanju primitaka molimo da se izjasni nadležna služba, što smo tražili i u amandmanima, koja je općinska imovina prodana u vrijednosti od 531.794 KM. Tražimo objašnjenje za prihod na kontu 720.000 podkategorija 721.000. Veliki dio čine prihodi od koncesija, tražimo strukturu prihoda od 369.188 KM iz koncesija. Zanimljivo je da nešto što bi bilo pozitivan trend, a primjetan je kod smanjenja obaveza Općine za minus 535.000 KM nameće pitanje, da li su obaveze stvarno plaćene ili je došlo do kompenzacije za prodatu imovinu Općine. Primjer za to je smanjenje dugova prema JKP i firmi Termobeton za više od 350.000 Km. Da li je stvarno plaćeno ili je kompenzirano sa imovinom Općine. U dijelu rashodi manji su rashodi za plaće i doprinose, da li je došlo do smanjenje broja radnika ili neka plaća nije isplaćena, odnosno da li kasni isplata plaća sa devetim mjesecom 2021. godine. Tražimo objašnjenje za poziciju 3 tačka 9. U kategoriji rashoda konto 613.900 ugovorene i druge posebne usluge, u ovoj kategoriji je potrošeno već 398.000 i planirano je potrošiti još 208.484 KM koje nisu, naglašavam, predviđene u budžetu. Struktura je veoma nejasna, obrazloženje sa stranica 14. i 15. Iz materijala je potpuno konfuzno, regulacija konta rijeke Stavnje, asfaltiranje dijela lokalnog puta Borovica-Pogar, stavka od 68.000, ostalo bez obrazloženja. Ukupni rashodi ovdje su veći od 600.000 KM. Molim vas, možemo li dobiti odgovor na ova pitanja), Nedžad Mušanović (da li se kasni sa otplatom kredita, po kojim kriterijima i za koje stručne usluge je planirano povećanje, izjavio je da Klub vijećnika SDA neće prihvatiti Izvještaj), Općinski načelnik Zdravko Marošević (dao je dodatna pojašnjenja i odgovore, skrenuo je pažnju da u skladu sa Metodologijom izrade izvještaja, Izvještaj o izvršenju budžeta i urađen i da svi vijećnici koji imaju nejasnoća i pitanja mogu iste dobiti u Odsjeku za finansije) i predsjedavajuća Mahira Brkić (uz dato obrazloženje podsjetila je prisutne na Zakon o budžetima FBiH „Službene novine broj:102/13, a u vezi budućeg izlaganja vijećnika po tačkama koje se odnose na budžet, izvršenje budžeta, odluku o izvršenju budžeta i sl).*

Zaključena je rasprava i predsjedavajuća OV stavila je na izjašnjavanje Izvještaj/Izvješće o izvršenju budžeta/proračuna Općine Vareš za period januar/siječanj-septembar/rujan za 2021. godinu.

Nakon izjašnjavanja vijećnika predsjedavajuća OV konstatuje da je sa **11 glasova „ZA“ i 7 glasova „PROTIV“ usvojen**

***Izvještaj/Izvješće o izvršenju budžeta/proračuna Općine Vareš
za period januar/siječanj-septembar/rujan za 2021. godinu.***

Ad.3.

(Izmjene i dopune budžeta/proračuna Općine Vareš za 2021. godinu.)

Komisija za privredu, finansije i budžet na 4. sjednici održanoj 29.11.2021. godine jednoglasno je donijela sljedeći Zaključak:

- **Komisija prihvata Izmjene i dopune budžeta/proračuna Općine Vareš za 2021. godinu, s tim da se na str. 22. u tabelarnom dijelu izvrše tehničke ispravke i iste se upućuju Vijeću na razmatranje.**

Ispred predlagača Mirza Fatić upoznao je vijećnike sa dvije tehničke greške na str. 22

Otvorena je rasprava u kojoj su učestvovali vijećnici: Emir Islamović (*Klub vijećnika SDA insistira da se usvoji Plan sanacije budžeta, Klub neće prihvatiti Izmjene i dopune budžeta*), Nurdin Begović (*traži pojašnjenje u vezi naknade za povrat više ili pogrešno uplaćenih sredstava*), Općinski načelnik Zdravko Marošević (*obratiti se vijećnicima SDA da ako žele mogu ponuditi eventualni Plan sanacije budžeta i da im nadležna služba stoji na raspolaganju, o istom je dao pojašnjenje*), Emir Islamović (*replika*), Sahudina Beganović (*replika*), Općinski načelnik i Emir Islamović (*replika*).

Zaključena je rasprava i predsjedavajuća OV stavila je na izjašnjavanje Izmjene i dopune budžeta/proračuna Općine Vareš za 2021. godinu.

Nakon izjašnjavanja vijećnika predsjedavajuća OV konstatuje da su uz tehničke ispravke na str. 22, **sa 11 glasova „ZA“ i 7 glasova „PROTIV“ usvojene**

Izmjene i dopune budžeta/proračuna Općine Vareš za 2021. godinu.

Ad.4.

(Nacrt budžeta/proračuna Općine Vareš za 2022. godinu.)

Komisija za privredu, finansije i budžet na 4. sjednici održanoj 29.11.2021. godine jednoglasno je donijela sljedeći Zaključak:

- **Komisija prihvata Nacrt budžeta/proračuna Općine Vareš za 2022. godinu i isti se upućuje Vijeću na razmatranje.**

Općinski načelnik Zdravko Marošević u svom obraćanju dao je kratko pojašnjenje i pozvao je sve vijećnike da upute svoje prijedloge na Nacrt budžeta.

Otvorena je rasprava u kojoj su iznijeli svoja mišljenja i pitanja vijećnici: Dario Dodik (*mišljenja je da uz Nacrt budžeta treba da se uradi i Izvještaj o dugovanjima i konkretnoj realizaciji o istom je dao pojašnjenje*), Nurdin Begović, Emir Islamović (*Klub vijećnika SDA djelovat će amandmanski*), Općinski načelnik Zdravko Marošević (*dao je odgovor i pojašnjenje vijećniku Dariu Dodik u vezi projekata i aktivnosti koje vodi Federalno ministarstvo za raseljena lica i izbjeglice*.) i Dario Dodik (*replika*).

Predsjedavajuća OV sugerisala je vijećnicima da upute amandmane na Nacrt budžeta.

Zaključena je rasprava i predsjedavajuća OV stavila je na izjašnjavanje sljedeći

Zaključak:

- 1. Prihvata se Nacrt proračuna/budžeta Općine Vareš za 2022. godinu.**
- 2. Nacrt proračuna/ budžeta Općine Vareš za 2022. godinu iz tačke 1. ovog Zaključka upućuje se na javnu raspravu u trajanju od 15 dana.**
- 3. Zadužuje se Općinski načelnik i nadležna služba za upravu da provedu javnu raspravu u skladu sa aktima OV, i da na osnovu današnje rasprave i prijedloga datih u toku rasprave sačine Prijedlog i isti dostave Vijeću na razmatranje i usvajanje.**
- 4. Sastavni dio prijedloga bit će i Izvještaj o provedenoj raspravi.**
- 5. Ovaj zaključak stupa na snagu danom donošenja.**

Nakon izjašnjavanja vijećnika predsjedavajuća OV konstatuje da **je jednoglasno (sa 18 glasova „ZA“) usvojen predloženi Zaključak.**

Ad.5.

*(Nacrt Odluke o izvršenju budžeta/proračuna
Općine Vareš za 2022. godinu.)*

Komisija za privredu, finansije i budžet na 4. sjednici održanoj 29.11.2021. godine jednoglasno je donijela sljedeći Zaključak:

- Komisija prihvata Nacrt Odluke o izvršenju budžeta/proračuna Općine Vareš za 2022. godinu i isti se upućuje Vijeću na razmatranje.**

Komisija za statutarna pitanja i propise na 8. sjednici održanoj 23.11.2021. godine sa 4 glasa „ZA“ i 1 „SUZDRŽANIM“ glasom donijela sljedeći

Zaključak:

Komisija nema primjedbi na Nacrt Odluke o izvršenju budžeta/proračuna Općine Vareš za 2022. godinu, te je upućuje Vijeću na razmatranje.

Predlagač nije imao dodatno pojašnjenje za ovu tačku dnevnog reda.

Nije bilo rasprave i predsjedavajuća OV stavila je na izjašnjavanje sljedeći

Zaključak:

- 1. Prihvata se Nacrt Odluke o izvršenju proračuna/budžeta Općine Vareš za 2022. godinu.**

2. **Nacrt Odluke o izvršenju proračuna/ budžeta Općine Vareš za 2022. godinu iz tačke 1. ovog Zaključka upućuje se na javnu raspravu u trajanju od 15 dana.**
3. **Zadužuje se Općinski načelnik i nadležna služba za upravu da provedu javnu raspravu u skladu sa aktima OV, i da na osnovu današnje rasprave i prijedloga datih u toku rasprave sačine Prijedlog i isti dostave Vijeću na razmatranje i usvajanje.**
4. **Sastavni dio prijedloga bit će i Izvještaj o provedenoj raspravi.**
5. **Ovaj zaključak stupa na snagu danom donošenja.**

Nakon izjašnjavanja vijećnika predsjedavajuća OV konstatuje da **je jednoglasno (sa 18 glasova „ZA“) usvojen predloženi Zaključak.**

Predsjedavajuća OV dala je pauzu u trajanju 20 minuta.
Nastavljeno je sa radom današnje sjednice

Ad.6.

*(Prijedlog Odluke o proglašavanju statusa
javnog dobra u općoj upotrebi.(k.o. Dabravine)*

Komisija za statutarna pitanja i propise na 8. sjednici održanoj 23.11.2021. godine jednoglasno je donijela je sljedeći Zaključak:

Komisija nema primjedbi na Prijedlog Odluke o proglašavanju statusa javnog dobra u općoj upotrebi k.o. Dabravine, te je upućuje Vijeću na razmatranje.

Ispred predlagача Ermin Musa dao je pojašnjenje za ovu tačku dnevnog reda.
Otvorena je rasprava u kojoj je učestvovao vijećnik Nurdin Begović.

Zatvorena je rasprava i predsjedavajuća OV stavila je na izjašnjavanje Prijedlog Odluke o proglašavanju statusa javnog dobra u općoj upotrebi (k.o. Dabravine).

Nakon izjašnjavanja vijećnika predsjedavajuća OV konstatuje da je **jednoglasno (sa 14 glasova „ZA“)** (odsutni vijećnici: Mario Mirčić, Nikola Šimić, Mirnes Ajanović i Zdenko Franjić) **usvojena**

***Odluka o proglašavanju statusa javnog
dobra u općoj upotrebi (k.o. Dabravine).***

Ad.7.

(Prijedlog Odluke o načinu i uslovima raspolaganja nekretninama u vlasništvu Općine Vareš (stambena jedinica G-blok, ulica Zvijezda).

Komisija za statutarna pitanja i propise na 8. sjednici održanoj 23.11.2021. godine jednoglasno je donijela je sljedeći Zaključak:

Komisija nema primjedbi na Prijedlog Odluke o načinu i uslovima raspolaganja nekretninama u vlasništvu Općine Vareš (stambena jedinica G-blok ul. Zvijezda), te je upućuje Vijeću na razmatranje.

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, prijedloge i pitanja iznijeli vijećnici: Nazif Hajrić (*predložio da se odustane od prodaje i da se korisniku ponudi Ugovor o zakupu ovog stana, da ubuduće Općina prodaje stanove koji nisu opremljeni, o istom je dao pojašnjenje*), Igor Hinger, Dario Dodik (*potrebno je da se javno objavi šta Općina ima i gdje neko može iskazati interesovanje za određeni stan, o istom je dao pojašnjenje*) i predsjedavajuća OV Mahira Brkić (*napomenula je da je u III kvartalu Vijeću trebala biti dostavljena na razmatranje Informacija o zaključenim ugovorima i finansijskim pokazateljima po osnovu Odluke o davanju u zakup stanova Općine Vareš, potrebno je da Služba za prostorno uređenje Informaciju dostavi za narednu sjednicu*).

Pomoćnik načelnika Ermin Musa izjavio je da je ovo jedini način prodaje i da će se zakonski ispoštovati.

Predsjedavajuća OV je na osnovu pitanja vijećnika Igora Hinger skrenula pažnju na član 7. Prijedloga Odluke u kome je navedeno da će Komisija utvrditi Javni oglas o prodaji nekretnine sa svim potrebnim podacima.

Zaključena je rasprava i predsjedavajuća OV stavila je na izjašnjavanje Prijedlog Odluke o načinu i uslovima raspolaganja nekretninama u vlasništvu Općine Vareš (stambena jedinica G-blok, ulica Zvijezda).

Nakon izjašnjavanja vijećnika predsjedavajuća OV konstatuje da je sa **11 glasova „ZA“ i 7 „SUZDRŽANIH“ glasova usvojena**

Odluka o načinu i uslovima raspolaganja nekretninama u vlasništvu Općine Vareš (stambena jedinica G-blok, ulica Zvijezda).

Ad.8.

(Prijedlog Odluke o načinu i uslovima raspolaganja nekretninama – javne prodaje građevinskog zemljišta (nekretnina broj: 1, 2 i 3 k.o. Dabravine).

Komisija za statutarna pitanja i propise na 8. sjednici održanoj 23.11.2021. godine jednoglasno je donijela je sljedeći Zaključak:

Komisija nema primjedbi na Prijedlog Odluke o načinu i uslovima raspolaganja nekretninama-javne prodaje građevinskog zemljišta (nekretnina broj: 1,2 i 3 k.o. Dabravine), te je upućuje Vijeću na razmatranje.

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o načinu i uslovima raspolaganja nekretninama-javne prodaje građevinsko zemljišta (nekretnina broj: 1, 2 i 3 k.o. Dabravine).

Otvorena je rasprava u kojoj su svoja mišljenja iznijeli vijećnici: predsjedavajuća OV Mahira Brkić, Emir Islamović i sekretar OV Leon Pavlović.

Nakon izjašnjavanja vijećnika predsjedavajuća OV konstatuje da **je jednoglasno (sa 18 glasova „ZA“ usvojena**

***Odluka o načinu i uslovima raspolaganja nekretninama
– javne prodaje građevinskog zemljišta (nekretnina broj: 1, 2 i 3 k.o. Dabravine).***

Ad.9.

(Nacrt Odluke o utvrđivanju površina za parkiranje motornih vozila.)

Ispred predlagača Ermin Musa dao je dodatno pojašnjenje za ovu tačku dnevnog reda u kome je izvijestio Vijeće da je Komisija-radna grupa formirana od Općinskog načelnika obišla teren i pripremila ovaj Nacrt Odluke. Uz dato pojašnjenje izjavio je da član 3. u Nacrtu Odluke se briše, a koji se odnosi na rezervaciju i plaćanje parking prostora. Zamolio je sve vijećnike da svoje sugestije, primjedbe i prijedloge dostave u pisanoj formi.

Otvorena je rasprava u kojoj su svoja mišljenja, primjedbe, prijedloge i pitanja iznijeli vijećnici: Nurdin Begović (*predložio je, ako bi član 3. ostao u Nacrtu, da se doda stav 5. koji glasi: „Općina Vareš kao zakupodavac može otkazati rezervisano parking mjesto u slučaju neplaćanja dužem od 3 mjeseca ili neurednog plaćanja od strane korisnika kao zakupca. Korisnik može otkazati rezervaciju parking mjesta uz prethodnu pismenu najavu od 30 dana prije prestanka kao zakupac.“*), Amela Brkić (*predložila je da se u Nacrtu Odluke u članu 2. u dijelu koji se odnosi na parking prostore za invalidne lica navede „da invalidna lica imaju pravo na parking mjesto što bliže svom mjestu stanovanja bez naknade.“*), Dario Dodik (*predložio da se na velikom parkingu Korovinjići odredi jedan dio na početku parkinga za neregistrovana vozila, o istom dao pojašnjenje*), Mirnes Ajanović (*predložio je da se Komisija proširi sa dva člana vijećnika Nurdin Begović i Dario Dodik, o istom je dao pojašnjenje*), Igor Hinger (*predložio je da dozvola za parkiranje na dječijem igralištu ul. Čaršija treba biti pomaknuta na 22 sata a u zimskom periodu od 18 sati*), Mirnes Ajanović (*replika*), Dario Dodik (*replika*), Sahudina Beganović (*replika*), Mirnes Ajanović (*replika*), Sahudina Beganović (*replika*), Asmir Čizmo (*mišljenja je da je odluka štura, paušalna i površna, dao je pojašnjenje*), Mahira Brkić (*skrenula je pažnju na parking mjesta u Vareš Majdanu, o istom je dala pojašnjenje, predložila je da OV usvoji Nacrt bez člana 3. , da svi koji su danas izašli za govornicu sve o čemu su govorili djeluju amandmanski u pisanoj formi, da se Komisija proširi sa 2 člana ispred OV i kad Odluka dođe u formi prijedloga , ukoliko predlagač ne uvaži prijedloge vijećnika da ne prihvatimo tu odluku*) i Malik Rizvanović (*stavio akcenat na traženje i izradu novih parking mjesta, o istom dao je pojašnjenje.*)

Zaključena je rasprava i predsjedavajuća OV predložila je sljedeći

Zaključak:

- **Prihvata se Nacrt Odluke o utvrđivanju površina za parkiranje motornih vozila bez člana 3. Odluke o utvrđivanju površina za parkiranje motornih vozila.**
- **Nacrt Odluke o utvrđivanju površina za parkiranje motornih vozila iz tačke 1. ovog Zaključka upućuje se na javnu raspravu u trajanju od 30 dana.**
- **Zadužuje se Općinski načelnik i Služba za prostorno uređenje da provedu javnu raspravu u skladu sa aktima OV, i da na osnovu današnje rasprave i prijedloga datih u toku rasprave sačine Prijedlog Odluke i istu dostave Vijeću na razmatranje i usvajanje. U toku rasprave obavezno uključiti MZ Vareš i Vareš Majdan. Kod utvrđivanja prijedloga Odluke pribaviti mišljenje od PS Vareš. Predlaže se Općinskom načelniku da dopuni Komisiju sa vijećnicima Dario Dodik i Nurdin Begović.**
- **Sastavni dio prijedloga bit će i Izvještaj o provedenoj raspravi.**
- **Ovaj zaključak stupa na snagu danom donošenja.**

Nakon izjašnjavanja vijećnika predsjedavajuća OV konstatuje da je **sa 11 glasova „ZA“ i 7 „SUZDRŽANIH“ glasova usvojen predloženi Zaključak.**

Predsjedavajuća OV zamolila je sve vijećnike da pismeno upute svoje amandmane.

Ad.10.

(Nacrt Strategije razvoja lokalnih cesta i ulica u gradu i naseljima.)

Ispred predlagача Ermin Musa dao je dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, primjedbe, prijedloge i pitanja iznijeli vijećnici: Igor Hinger, pomoćnik načelnika Ermin Musa (*dao pojašnjenje vijećniku Igoru Hinger u vezi puteva koji nisu predviđeni u Strategiji*), Dario Dodik, Emir Islamović, Sahudina Beganović, Mirnes Ajanović, Emir Islamović (*replika*), Šaban Ibršimović (*predložio da se put Luke-Dragovići-Mijakovići uvrsti u rekonstrukciju pod specifičnim kriterijima i potrebama i u izradu projektne dokumentacije*), Dodik Dario, Nikola Šimić, Malik Rizvanović, Mahira Brkić, Sahudina Beganović, pomoćnik načelnika Ermin Musa (*podsjetio je vijećnike da će da će nakon Strategije biti urađeni jednogodišnji i četverogodišnji planovi i da će OV jednogodišnje biti upoznato sa Izvještajem o realizaciji ove Strategije*) i Mirnes Ajanović (*replika*).

Zaključena je rasprava i predsjedavajuća OV stavila je na izjašnjavanje sljedeći

Zaključak:

- **Prihvata se Nacrt Strategije razvoja lokalnih cesta i ulica u gradu i naseljima.**
- **Nacrt Strategije razvoja lokalnih cesta i ulica u gradu i naseljima iz tačke 1. ovog Zaključka upućuje se na javnu raspravu u trajanju od 45 dana.**
- **Zadužuje se Općinski načelnik i Služba za prostorno uređenje da provedu javnu raspravu u skladu sa aktima OV, i da na osnovu današnje rasprave i prijedloga datih u toku rasprave sačine Prijedlog Strategije i isti dostave Vijeću na razmatranje i usvajanje. U toku rasprave obavezno uključiti i Savjete MZ općine Vareš.**
- **Sastavni dio prijedloga bit će i Izvještaj o provedenoj raspravi.**
- **Ovaj zaključak stupa na snagu danom donošenja.**

Nakon izjašnjavanja vijećnika predsjedavajuća OV konstatuje da je **jednoglasno (sa 17 glasova „ZA“** (odsutan vijećnik Malik Rizvanović) **usvojen predloženi Zaključak.**

Predsjedavajuća OV zamolila je sve vijećnike da pismeno upute svoje amandmane.

Ad.11.

(Informacija o stanju u oblasti prijevoza u lokalnom i međugradskom saobraćaju na području općine Vareš.)

Otvorena je rasprava u kojoj je zamjenik predsjedavajuće OV skrenuo pažnju na problem autobuske linije Vareš-Zenica-Vareš.

Predsjedavajuća OV konstatovala je da ispred predlagača nema niko da odgovori na pitanje i sugerisala je da zamjenik predsjedavajuće isto postavi na narednoj sjednici OV.

Zaključena je rasprava i predsjedavajuća OV konstatuje uz **Zaključak da je Vijeće primilo k znanju**

Informaciju o stanju u oblasti prijevoza u lokalnom i međugradskom saobraćaju na području općine Vareš.

Ad.12.

(Informacija o stipendiranju i stipendistima općine Vareš u 2020/2021. godini.)

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz **Zaključak da je Vijeće primilo k znanju**

Informaciju o stipendiranju i stipendistima općine Vareš u 2020/2021. godini.

Ad.13.

(Informacija o postignutom uspjehu u školskoj 2020/2021. godini u OŠ „Vareš“, OŠ „Vareš Majdan“, i MSŠ „Nordbat-2“ Vareš.)

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz **Zaključak da je Vijeće primilo k znanju**

Informaciju o postignutom uspjehu u školskoj 2020/2021. godini u OŠ „Vareš“, OŠ „Vareš Majdan“, i MSŠ „Nordbat-2“ Vareš.

Ad.14.

(Informacija o provedbi Lokalnog akcionog plana (LAP) za jačanje mehanizma zaštite i osnaživanje djece u Općini Vareš 2019-2021. godine.)

Ispred predlagača Dženana Bešić Junuzović dala je dodatno pojašnjenje za ovu tačku i predložila da OV donese Zaključak kojim bi se uputilo Pismo zahvale Fondaciji Abbe Pierre Alterural BiH Sarajevo i Word Vision BiH Sarajevo na angažmanu i predanosti u realizaciji svih programa za općinu Vareš.

Otvorena je rasprava u kojoj je vijećnik Igor Hinger (*zamolio gosp. Dženanu Bešić Junuzović da ukoliko se pojave određeni projekti da kontaktira organizacije i da se posebna pažnja usmjeri radu sa djecom i mladim sa sela naše općine*).

Predsjedavajuća OV na osnovu prijedloga gosp. Dženane Bešić Junuzović stavila je na izjašnjavanje sljedeći

Zaključak:

- **Ispred Općinskog vijeća Vareš uputiti Pismo zahvale Fondaciji Abbe Pierre Alterural BiH Sarajevo i Word Vision BiH Sarajevo za angažman i predanost u realizaciji svih programa za općinu Vareš.**

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“** (odsutan vijećnik Asmir Čizmo) **usvojen predloženi Zaključak i primljena k znanju**

Informaciju o provedbi Lokalnog akcionog plana (LAP) za jačanje mehanizma zaštite i osnaživanje djece u Općini Vareš 2019-2021. godine.

Ad.15.

(Informacija o provedenim aktivnostima u toku 2020. godine u okviru projekta „Via Dinarica“.)

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz **Zaključak da je Vijeće primilo k znanju**

Informaciju o provedenim aktivnostima u toku 2020. godine u okviru projekta „Via Dinarica“.

Ad.16.

(Prijedlog o prihvatanju Odluke i protokola grada BAŠISKELE R Turska o bratimljenju sa Općinom Vareš i donošenjem Zaključka OV Vareš o izradi prijedloga Odluke o bratimljenju sa istoimenim gradom.)

Otvorena je rasprava u kojoj je vijećnik Šaban Ibrišimović iznio svoje mišljenje i dao pojašnjenje za ovu tačku dnevnog reda. Predložio je da Vijeće da se usvoji prijedlog o prihvatanju Odluke i Protokola grada Bešiskele R Turska.

Predsjedavajuća OV konstatuje da je Vijeće prihvatilo Odluku i Protokol grada Bešiskele R Turska o bratimljenju sa Općinom Vareš.

Predsjedavajuća OV stavila je na izjašnjavanje sljedeće

Zaključke:

- **Zadužuje se Služba za opću upravu, društvene djelatnosti i BiZ da za 11. sjednicu Općinskog vijeća Vareš pripremi prijedlog Odluke o bratimljenju sa Općinom Bašiskele R Turska.**
- **Zadužuje se Služba za opću upravu, društvene djelatnosti i BiZ da za 11. sjednicu Općinskog vijeća Vareš pripremi Odluku o stavljanju van snage Odluke o saradnji i partnerstvu br. 01-66/16 od 31.03. 2016. godine.**

Nakon izjašnjavanja vijećnika predsjedavajuća OV konstatuje da **su jednoglasno (sa 16 glasova „ZA“) (odsutni vijećnici Mirnes Ajanović i Asmir Čizmo) usvojeni predloženi Zaključci.**

Ad.17.

(Tekuća pitanja.)

Predsjedavajuća OV upoznala je prisutne sa pristiglom poštom:

1. Informacija o Analizi stanja socijalne zaštite u Zeničko-dobojskom kantonu sa posebnim osvrtom na uticaj pandemije koronavirusa na sistem socijalne zaštite i Akcionom planu 2021-2023. implementacije Analize stanja socijalne zaštite, broj: 02/2-188/21 od 12.11.2021. godine dostavljena od Službe za opću upravu, društvene djelatnosti i BiZ, a na osnovu zaključka sa 6. Sjednice Kolegija OV i 9. Sjednice OV.

Predsjedavajuća OV iznijela je stav u vezi dostavljene Informacije i ponovo predložila sljedeći

Zaključak:

- **Zadužuje se Služba za opću upravu, društvene djelatnosti i BiZ da uradi Analizu stanja socijalne zaštite za općinu Vareš unutar Ze-do kantona.**

Nakon izjašnjavanja vijećnika predsjedavajuća OV konstatuje da **je jednoglasno (sa 17 glasova „ZA“) (odsutna vijećnica Sahudina Beganović) usvojen predloženi Zaključak.**

2. Molba koja se odnosi na uklanjanje pasa lotalica sa područja MZ Dabravine koji direktno ugrožavaju mještane sa ovog područja, broj: 04-11/21 od 15.11.2021. godine, dostavljena od predsjednika MZ Dabravine gosp. Memić Salih i Molba koja se odnosi na istu tematiku dostavljena od gosp. Saleketić Edine MZ Dabravine, općina Vareš.

Vijećnik Salih Memić u svojstvu vijećnik i predsjednika MZ Dabravine upoznao je prisutne sa navedenim problemom i zatražio od Općinskog načelnika da u okviru svojih nadležnosti učini sve što je potrebno da se ovaj problem riješi.

U raspravi su učestvovali vijećnici: Malik Rizvanović (*predložio da se naloži Općinskom načelniku da preko Udruženja za zaštitu životinja najdalje u roku od 7 dana izađe na teren i izvrši se uklanjanje pasa lotalica*) i Mirnes Ajanović (*dao je pojašnjenje u vezi rada i djelovanja Udruženja za zaštitu životinja i zbrinjavanja pasa lotalica*).

Predsjedavajuća OV je na osnovu Molbi i diskusije po ovoj tački dnevnog reda predložila i stavila na izjašnjavanje sljedeći

Zaključak:

- **Nalaže se Općinskom načelniku da u suradnji sa predsjednikom MZ Dabravine u roku 10 dana iznađe mogućnosti i poduzme sve potrebne mjere a u vezi uklanjanja svih pasa lotalica na području MZ Dabravine.**

Nakon izjašnjavanja vijećnika predsjedavajuća OV konstatuje da je **jednoglasno (sa 18 glasova „ZA“) usvojen predloženi Zaključak.**

3. Obavijest o formiranju zajedničkog kluba kojeg čine dva samostalna vijećnika i to: Begović Nurdin (predsjednik Kluba) i Mahira Brkić (zamjenica predsjednika Kluba).
4. Inicijativa o smanjenju komunalne takse na istaknutu firmu u trgovinskoj i ugostiteljskoj djelatnosti gdje se uvrštene poljoprivredne apoteke, dostavljena od Kluba SDA 12.11.2021. godine i Očitovanje po istoj od Općinskog načelnika broj: 02-1831/21 od 16.11.2021. godine.
5. Vijećnik Asmir Čizmo uputio je pisanu Inicijativu kojom Općinskom vijeću predlaže usvajanje Odluke o ograničenju maksimalne nosivosti za teretna vozila na području općine Vareš. U okviru Inicijative predložio je i Zaključke:
- Zadužuje se nadležna stručna služba Općine Vareš da sačini navedenu Odluku i da odredi maksimalnu nosivost za teretna vozila u skladu sa tehničkim karakteristikama lokalnih puteva
 - Općinsko vijeće Vareš poziva Ministarstvo unutrašnjih poslova ZDK da pojača kontrole saobraćajnica na području općine Vareš osobito u oblasti prijevoza tereta i to na način da uspostavi kontrolne punktove sa vagama za mjerenje tereta te da u skladu sa zakonima koji uređuju teretni saobraćaj sankcioniše prijevoznike koji prekoračenjem dozvoljenog tereta uništavaju saobraćajnice na području općine Vareš
 - Općinsko vijeće Vareš zadužuje nadležnu službu Općine Vareš da u suradnji sa Ministarstvom unutrašnjih poslova ZDK sačini popis kritičnih tačaka na saobraćajnicama cijelog područja općine Vareš koje su pod stalnim uticajem

prekomjernog tereta bez obzira na kategorizaciju puta kako bi koordinacija i realizacija ove inicijative na terenu poručila što boljim rezultatima.

- Da PU vareš uvrsti ovu tematiku u svoju godišnju informaciju prema OV Vareš te da nas informiše o poduzetim aktivnostima
- Rok za izradu ove Odluke 30 dana.

Predsjedavajuća OV izvijestila je Vijeće da se Inicijativa upućuje Općinskom načelniku na očitovanje u skladu sa Poslovnikom o radu OV.

6. Vijećnik Salih Memić općina Vareš predložio je Zaključak koji se odnosi na angažovanje eko-policajca za obilazak mjesnih zajednica jednom u deset dana. O istom je dao pojašnjenje.

Predsjedavajuća OV stavila je na izjašnjavanje sljedeći

Zaključak:

- **Zadužuje se Eko policajac za obilazak mjesnih zajednica jednom u 10 dana, a u vezi nepropisnog odlaganja otpada.**

Nakon izjašnjavanja vijećnika predsjedavajuća OV konstatuje da je **jednoglasno (sa 18 glasova „ZA“) usvojen predloženi Zaključak.**

7. Vijećnik Emir Islamović uz dato pojašnjenje predložio je

Zaključak:

- **Zadužuje se Služba za prostorno uređenje da informiše Općinsko vijeće o svim elementima koji su bitni za općinu Vareš (eksploatacija, etat, pošumljavanje i sl.), a vezano za izradu šumsko-privredne osnove za šumsko privredu područja Olovo.**

Nakon izjašnjavanja vijećnika predsjedavajuća OV konstatuje da je **jednoglasno (sa 18 glasova „ZA“) usvojen predloženi Zaključak.**

8. Vijećnik Igor Hinger postavio je pitanje da li realizovan zaključak po kome su trebale sve primjedbe, sugestije i prijedlozi da se uvrste u Programa finansiranje komunalnih djelatnosti za 2022. godinu. Uz dato pojašnjenje izjavio je da će na narednoj sjednici OV uputiti inicijativu koja će biti vezana za apliciranje mjesnih zajednica na objavljene javne pozive za određene projekte od nadležnih ministarstava, eventualnoj edukaciji predstavnika mjesnih zajednica i potrebama mjesnih zajednica.
9. Vijećnik Dario Dodik podsjetio je na Inicijativu koju je podnio a vezano za eventualnu izgradnju parking prostora na mjestu malog parka u ul. Put mira. Traži da se Vijeće izjasni o Inicijativi, ukoliko je Vijeće podrži da OV donese Zaključak kojim će se obavezati Služba za prostorno uređenje da utvrdi da li postoji mogućnost prenamjene tog prostora a da bismo mi mogli ići dalje u izradu idejnog projekta.

U raspravi su učestvovali predsjedavajuća OV Mahira Brkić i sekretar OV Leon Pavlović.

Nakon rasprave predsjedavajuća OV stavila je na izjašnjavanje sljedeći

Zaključak:

- **Prihvata se Inicijativa** (*„Predlažem da se mala površina iza kontejnera na izlazu iz ulice Put mira prema ulici Zvezda, pretvori u parking prostor“*) vijećnika Daria Dodik i ista se upućuje Službi za prostorno uređenje da se izjasni da li postoje zapreke pravne i tehničke prirode koje onemogućavaju realizaciju ove Inicijative.

Nakon izjašnjavanja vijećnika predsjedavajuća OV konstatuje da **je jednoglasno (sa 18 glasova „ZA“) prihvaćena Inicijativa i usvojen predloženi Zaključak.**

- 10.** Vijećnik Dario Dodik uz dato pojašnjenje predložio je da Vijeće donese Zaključak se pošalje upit ispred Vijeća Federalnoj vladi, koji su razlozi i zbog čega je Općina Vareš odbijena u svih 5 projekata.

Vijećnik Asmir Čizmo upoznao je Vijeće da je zastupnik gosp. Amer Obradović to pitanje postavio na Predstavničkom domu parlamenta FBiH i kada dobije odgovor na postavljeno pitanje sa istim će ga upoznati. (*„Molim da navedete kriterije i razloge zašto ni jedan projekat od Općine Vareš nije prošao na Javnom pozivu za podnošenje prijave za finansiranje i sufinansiranje projekata, zahtjeva, inicijativa i ostalih aktivnosti od značaja za jedinice lokalne samouprave u FBiH kojeg je Vlada FBiH objavila u julu 2021. godine“*).

Vijećnik Dario Dodik izjavio je da povlači svoj prijedlog.

- 11.** Sekretar OV izvijestio je prisutne da će na narednoj sjednici OV svim vijećnicima biti dostavljen spisak predsjednika mjesnih zajednica na području općine Vareš sa telefonskim brojevima kao i telefonskih brojeva koji se koriste u zgradi Općine Vareš.

Zamolio je sve vijećnike da prisustvuju obuci koju organizuje Savez općina i gradova u saradnji sa UNDP-om putem projekta ILDP na temu Strateškog planiranja. Obuka će se održati 15.12.2021. godine (13.00-15.50) u velikoj Sali Općine Vareš. Poziv je prihvatio Kolegij OV.

Predsjedavajuća OV usvoje lično ime i u ime Općinskog vijeća sa zakašnjenjem čestitala je svim građanima općine Vareš 25.11 Dan državnosti BiH, a svim građanima katoličke vjeroispovijedi čestitala je nadolazeći blagdan Božić.

Sastavni dio ovog Zapisnika je audio zapis sjednice.

Sjednica je završena u 19.25 sati.

S E K R E T A R

Leon Pavlović

ZAPISNIČAR

Azra Pijadžer

**PREDSJEDAVAJUĆA
OPĆINSKOG VIJEĆA**

Mahira Brkić